

铁路事有何究竟，至为悬念。以后弟决不敢再肩重任矣。云楣^①来沪，乐哉。已备小轮拖至杭州，西湖西子当可照映一时矣。英雄如许，尽落圈套，可笑可笑！然平心论之，当视作为塞翁之失也。可书此以慰遐念，何如？阅后付丙。

126 唐廷枢致盛宣怀函

光绪十年八月十三日(1884.10.1) 上海

杏翁仁兄大人阁下：

顷奉手书，备悉种切。弟旋沪后细察局事，殊属棘手，又未便向人倾筐倒篋而陈，凡有亲友来询，均以权词为对。前者阁下既托花翁函询，业已约略言之，兹复殷勤垂问，亦只得权词塞责耳。若要知底蕴，请仍向经手之人询之为祷。

至于张曼翁所欠津局千金，来书嘱将票款暂抵，未尝不可照办，惟弟此番总结各帐，断不以公废私，务求水落石出，届期当列明刻入册中也。知念顺闻。手此布复，即请勋安。诸希惠照，不备。

小弟廷枢顿首。十三日。

127 马建忠致盛宣怀函

光绪十年八月十七日(1884.10.5)到 上海

杏翁尊兄大人阁下：

昨接邵小翁来函云：“侯相力保，已免议，”可喜可贺。^②弟素昧无故一味勇往，幸赖高明时为指引，或冀可免陨越。今者日月复明，以后借重长城，正无已时。德君来函，亦深为我公贺。此人大

① 云楣，即胡燏棻，字芸楣，安徽泗州人，天津道。

② 指盛宣怀办理电报事，部议认为办理含混，铺张失实，科以降级调用处分，经左宗棠、李鸿章等奏保，宽免降调处分，改为降二级留任。